

PRESMEDIC AMBROXOL TABLET 30 MG

Ambroxol hydrochloride (30 mg)

Apakah yang ada pada risalah ini

1. Apakah kegunaan Presmedic Ambroxol Tablet 30mg
2. Bagaimana Presmedic Ambroxol Tablet 30mg berfungsi
3. Sebelum menggunakan Presmedic Ambroxol Tablet 30mg
4. Cara menggunakan Presmedic Ambroxol Tablet 30mg
5. Semasa menggunakan Presmedic Ambroxol Tablet 30mg
6. Kesan-kesan sampingan
7. Cara penyimpanan dan pelupusan Presmedic Ambroxol Tablet 30mg
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP
11. Nombor siri

Apakah kegunaan Presmedic Ambroxol Tablet 30mg

Presmedic Ambroxol Tablet 30mg digunakan untuk merawat masalah saluran pernafasan yang melibatkan lendir pekat.

Bagaimana Presmedic Ambroxol Tablet 30mg berfungsi

Presmedic Ambroxol Tablet 30mg mengandungi ambroxol yang membantu untuk mencairkan lendir pekat, seterusnya memperbaiki pernafasan dan mengurangkan batuk.

Sebelum menggunakan Presmedic Ambroxol Tablet 30mg

- Bila tidak boleh menggunakan

Jangan ambil ubat ini jika anda mempunyai alahan terhadap ambroxol hydrochloride atau mana-mana bahan lain yang terkandung dalam produk ini.

Jika anda tidak pasti sama ada anda perlu mengambil ubat ini, berbincanglah dengan doktor atau ahli farmasi anda.

- Sebelum mula menggunakan Presmedic Ambroxol Tablet 30mg

Beritahu doktor atau ahli farmasi anda jika anda mempunyai alahan terhadap ubat-ubatan lain atau sebarang masalah berkaitan kesihatan termasuk:

- Pesakit yang mempunyai masalah hati dan buah pinggang.
- Perhatian khusus harus diberikan kepada pesakit yang sedang dalam fasa trimester pertama kehamilan.
- Pesakit dengan alahan terhadap ambroxol.
- Pesakit dengan rawatan antibiotik kerana ubat ini mungkin boleh meningkatkan jumlah antibiotik.
- Jika gejala berterusan selama lebih 14 hari, sila dapatkan nasihat perubahan lanjut.
- Kes kronik yang sangat jarang melibatkan masalah kulit pernah dilaporkan. Dalam kebanyakan kes, ianya dikaitkan dengan masalah kesihatan lain atau pengambilan ubat-ubatan lain secara serentak. Bagi peringkat awal masalah kesan reaksi kulit, gejala seperti flu, demam, sakit sendi, hidung berair, batuk dan sakit tekak berlaku. Jika berlaku masalah pada kulit atau salur mukus, sila dapatkan rawatan dengan segera dan berhentikan pengambilan ubat ini.

- Jika mengambil ubat-ubatan lain

Sila dapatkan nasihat doktor atau ahli farmasi sekiranya anda perlu menggunakan Presmedic Ambroxol Tablet 30mg dengan ubat-ubatan yang lain. Anda juga perlu memaklumkan kepada mereka tentang semua ubat-ubatan yang anda sedang ambil, termasuk ubat-ubatan tanpa preskripsi.

Presmedic Ambroxol Tablet 30mg yang diambil dengan antibiotik seperti amoxicillin, cefuroxime, erythromycin, doxycycline dalam masa yang sama akan menyebabkan jumlah antibiotik yang banyak dalam tisu paru-paru.

Cara menggunakan Presmedic Ambroxol Tablet 30mg

Ikut arahan doktor atau ahli farmasi anda. Ia mungkin berbeza daripada maklumat di dalam risalah ini. Jika anda tidak memahami arahan pada label ubat anda, sila rujuk kepada doktor atau ahli farmasi.

- Berapa banyak harus digunakan
Orang dewasa: 1 biji

- Bila perlu digunakan
3 kali sehari, selepas makan.

- Berapa lama perlu digunakan

Presmedic Ambroxol Tablet 30mg perlu diambil seperti yang diarahkan oleh doktor anda. Jangan berhenti mengambil ubat ini tanpa berbincang dengan doktor anda.

- Jika terlupa menggunakan

Ambil dos yang tertinggal sebaik sahaja anda teringat. Sekiranya sudah hampir masa untuk dos yang seterusnya, abaikan dos yang tertinggal dan kemudian teruskan mengambil ubat mengikut jadual seperti biasa. Jangan ambil dos berganda untuk menggantikan dos yang tertinggal.

- Jika mengambil berlebihan (terlebih dos)

Hubungi doktor dengan kadar segera atau pergi ke Jabatan Kecemasan di hospital yang terdekat jika dos berlebihan telah digunakan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Semasa menggunakan Presmedic Ambroxol Tablet 30mg

- Perkara yang perlu dilakukan
Guna ubat anda mengikut arahan doktor.

Maklumkan kepada semua doktor, doktor gigi dan ahli farmasi yang merawat anda bahawa anda sedang menggunakan Presmedic Ambroxol Tablet 30mg.

- Perkara yang tidak boleh dilakukan

Jangan berhenti menggunakan ubat ini kecuali diarahkan oleh doktor anda.

Jangan mula menggunakan sebarang ubat baharu tanpa berbincang dengan doktor atau ahli farmasi anda.

PRESMEDIC AMBROXOL TABLET 30 MG

Ambroxol hydrochloride (30 mg)

Jangan memberi Presmedic Ambroxol Tablet 30mg kepada sesiapa, walaupun mereka mempunyai simptom atau keadaan yang sama dengan anda.

- Perkara yang perlu diberi perhatian

Faedah mengambil ubat ini bagi wanita yang sedang hamil fasa trimester pertama perlu diambil kira berbanding risiko pada bayi. Sila rujuk dengan doktor atau ahli farmasi anda jika anda sedang hamil atau menyusukan anak.

Kesan-kesan sampingan

Seperti semua ubat-ubatan lain, Presmedic Ambroxol Tablet 30mg boleh menyebabkan kesan sampingan yang tidak diingini walaupun tidak semua orang mengalaminya. Anda mungkin memerlukan rawatan perubatan yang segera.

Kesan sampingan bagi pengambilan ambroxol termasuk kesan pada gastrousus seperti pedih ulu hati, ketidakhadaman dan kembung perut.

Kesan sampingan alahan seperti ruam kulit, sukar untuk bernafas, bengkak pada muka, bibir, mulut, lidah atau tekak yang menyukarkan anda untuk menelan atau bernafas mungkin berlaku secara jarang.

Beberapa kes yang sangat jarang melibatkan tindakbalas anafilaksis termasuk kejutan anafilaktik pernah dilaporkan namun kaitannya dengan pengambilan ambroxol adalah tidak pasti.

Rujuk doktor atau ahli farmasi anda untuk maklumat lanjut. Kesan sampingan lain yang tidak tersenarai mungkin boleh berlaku.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [Consumers → *Reporting Side Effects to Medicines (ConSERF) or Vaccines (AEFI)*]

**Cara penyimpanan dan pelupusan
Presmedic Ambroxol Tablet 30mg**

- Penyimpanan

Jauhi daripada kanak-kanak.
Simpan di bawah suhu 30°C.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

- Rupa dan warna produk

Tablet bulat berwarna putih tidak bersalut, dengan permukaan rata dan serong ditepi. Tablet mempunyai garis di satu sisi dan polos di sebelah sisi yang lain.

- Bahan-bahan kandungan

- Bahan Aktif

- Ambroxol Hydrochloride

- Bahan Tidak Aktif

- Lactose
- Microcrystalline Cellulose
- Sodium Starch Glycolate
- Magnesium Stearate
- Talc
- Colloidal Silicon Dioxide

- MAL Number:

MALxxxxxxxxX

Pengilang

HOVID Bhd.

Lot 56442, 7 ½ Miles Jalan
Ipoh/Chemor,
31200, Chemor, Perak, Malaysia.

Pemegang Pendaftaran Produk

HOVID Pharmacy Sdn. Bhd.

121, Jalan Tunku Abdul Rahman
30010 Ipoh, Perak, Malaysia.

Tarikh kemaskini RiMUP

31/10/2023

Nombor siri

NPRA (R2) 23/066